

zu halten zusprechen, das sal yr keynes nyrgent anders suchen denn vor vnsem gerichte doselbs zu Herbisleiben, da auch ein iglicher ym an rechte sal lassen gnugen vnd furder yr einer dem andern keyne beschwerunge noch gedrängnisse zulegen. So sullen auch furder die sechs geschworene des genannten vnsers dorffis by vnsern voigt an dem gerichte sitzen, vrteile zu teilen vnd zu gebin als sich das nach desselben vnsers gerichtes louffe vnd rechte geburet vnd heischet. Auch sullen die vorgeschribene vnser erbaren lute halten die gebote die die heymburgen des obgenannten dorffis thun zu der eintracht ermahnen und darumb pfandung leiden ob sie daran bruchig wurden als die obgenannte gemeyne das halden und leiden. Die obbeschribene sonderung vnd satzung wir yn beydersit in krafft desselben briues bestetigen vnd gebieten by vnser hulde ane alle argelist vnd geuerde zu halten. Des tzu vrkunde habn wir vnser secreth an diesen briv lassin hengin gegeben tzu Wissense nach Cristi geburt drytzenhundert iar in dem seben vnd achtzigsten iare am donnerstage vor pfingsten.“

2. Urkunde Landgraf Balthasar's, die Brunnenleitung betreffend, vom Jahre 1391.

„Wir Balthazar von gotis gnaden Landg<sup>o</sup>f tzu doringen vnd marg<sup>o</sup>f tzu missen Bekennen vnd thun kunt offinlich mit dysem brife daz wir durch nutzes vnd frome willn vnss dorffis herbsleiben den heimburge vnd dorfschaft da deselbis macht gegeben haben vnd mit dysem selben brife geben / daz sie tzweyvnddryssig acker an dez dorffis gemeyne gelegin hie dissit der vnstrut daz man nenit an d'gebine wesen / vnd an dem Baumgartewege vnd an eym flecke gelegin bie der obirmüle / hingelassin haben dry iare die nest nacheynand' volgen nach gift diz brifes also daz man daruff weyt sewen sal / vnd von igliche acker sal man vns ouch ierlichin geben / alzviel man vns daselbis tzu Herbsleiben gibit von andr' eckern daruff man weyt sewit / vnd von dem überige' waz sie dez genissen müge sie eyn Bornen in daz selbe vnss dorff brengin sullen vnd vnss dorff damite bessern / hiryn yn ouch nymāt sprechin nach sie